

Íþróttabandalag Reykjavíkur  
Engjavegi 6  
104 Reykjavík

Reykjavík 14. maí 2019  
UST201904-217/09.07.01  
09.07.01

### **Efni: Umsókn um leyfi - Laugavegshlaup - Friðland að Fjallabaki**

Umhverfisstofnun hefur móttakið umsókn Íþróttabandalags Reykjavíkur dagsett 16. apríl 2019, um leyfi til að halda Laugavegshlaupið Ulta Maraðon innan friðlandsins að Fjallabaki þann 13. júlí 2019.

Friðlandið að Fjallabaki er friðlýst sem sbr. auglýsing nr. 354/1979. Mannvirkjagerð, efnistaka og annað jarðrask innan friðlandsins er óheimilt nema með leyfi Umhverfisstofnunar. Óheimilt er að skemma gróður, trufla dýralíf að óþörfu og hrófla við bergmyndunum. Umferð gangandi fólks er heimil um svæðið, enda fylgi það merktum stígum í Landmannalaugum og annars staðar þar sem við á og gengið sé snyrtilega um svæðið.

#### **Lýsing verkefnis:**

Reykjavíkumaraðon hefur undanfarin 23 ár gengist fyrir hlaupaviðburði kenndum við Laugaveg, leiðina milli Landmannalauga og Húsadals í Þórsmörk. hlaupið hefst í Landmannalaugum og fer eftir gönguslóða Ferðafélags Íslands sem endar í Húsadal. Þar sem hlaupaleiðin er ógreinileg verða settar upp merkingar til að leiðbeina þátttakendum. Reikna má með að fjöldi þátttakenda í ár verði um 550 manns og 90 starfsmenn komi að hlaupinu, þar af 50 á gönguleiðinni, restin í Húsadal. Sérstök áhersla verður lögð á að keppendur gangi vel um og hendi ekki úrgangi á leiðinni. Starfsmenn verða í hlutverki eftirfara sem tyna upp merkingar, úrgang og annað sem fylgir hlaupinu. Allir þátttakendur eru upplýstir um umgengnisreglur á Laugaveginum sem eru m.a. þær að fara eftir merktri leið Ferðafélags Íslands, að henda engum úrgangi á leiðinni. Þeir skrifa einnig undir skjal þess efnis að þeir hafi lesið reglur og kynnt sér umgjörð hlaupsins og ætli að fara eftir þeim fyrirmælum. Til að vernda náttúruna og takmarka úrgang á drykkjarstöðum verða þátttakendur að hafa með sér sitt eigið fjölnota drykkjarmál og ekki verður hægt að fá pappaglös. Drykkjarstöðvar verða á 6 stöðum á leiðinni. Samvinna er við Ferðafélag Íslands þar sem drykkjarstöðvar verða í skálum. Hlaupaviðburðurinn verður haldin laugardaginn 13. júlí 2019.

#### **Áhrifamat:**

Umhverfisstofnun metur litlar líkur á að hlaupið muni hafa neikvæð áhrif á verndargildi Friðlandsins að Fjallabaki. Litlar líkur eru á að framkvæmd hlaupsins muni valda spjöllum á friðlýstum náttúruminum, og að rask verði minniháttar ef farið verður að þeim skilyrðum sem sett eru í leyfi þessu.

Laugavegurinn innan Friðlandsins að Fjallabaki er á appelsínugulum lista vegna mikils ágangs ferðamanna á náttúru svæðisins. Af þeim sökum telur Umhverfisstofnun mikilvægt að fjöldi þáttakenda fari ekki yfir þann fjölda sem leyfið nær yfir.

### **Skilyrði:**

Umhverfisstofnun veitir fyrir sitt leyti leyfi fyrir að viðburðurinn Laugavegshlaupið fari fram innan friðlandsins að Fjallabaki sbr. lýsingu hér að ofan þann 13. júlí 2019 að uppfylltum eftirfarandi skilyrðum:

- Stjórnendur viðburðarins skili til Umhverfisstofnunar, a.m.k. viku áður en keppni hefst, áætlun um það hvernig staðið verði að framkvæmd keppinnar. Í áætlun skal m.a. koma fram, fjöldi þáttakenda, hvernig þáttakendur og starfsmenn er komið á staðin og hvernig staðið verði að frágangi að viðburði loknum.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- A.m.k. 3 dögum áður en hlaupið fer af stað skal koma fyrir merkingum við upphaf og endastöð hlaupsins þar sem gestir svæðisins eru upplýstir um fyrirhugað hlaup.
- Fjöldi þáttakenda í hlaupinu fari ekki yfir 550 manns.
- Stjórnendur hlaupsins gefi sig fram við landverði svæðisins og upplýsi þá um upphaf hlaupsins og lok þess. Sérfræðingur friðlandsins er Hákon Ásgeirsson.
- Þátttakendur og starfsmenn hlaupsins haldi sig á gönguleið alla leið frá upphafsstöð að endastöð hlaupsins. Stjórnendur hlaupsins skulu upplýsa þáttakendur um mikilvægi þess að halda sig á gönguleiðum til að koma í veg fyrir rask á viðkvæmum gróðri meðfram Laugavegi.
- Gönguleiðin Laugavegur kann að vera strjált stikuð að hluta og því skulu aðstandendur hlaupsins sjá til þess að merkingar verði bættar á þeim svæðum þar sem gönguleiðin er ógreinileg til að fyrirbyggja að fólk hlaupi til hliðar við gönguleið með tilheyrandi raski og jafnvel myndun hliðarstíga. Brynt er að passa vel upp á framangreint og merkja leiðina vel á viðkvæmum svæðum á borð við mosa- eða lyngmóa og votlendi, á hverasvæðinu suður af Hrafninnuskeri og niður Jökultungur. Eins er mikilvægt að staðkunnugir starfsmenn hlaupsins beini þátttakendum inn á gönguleiðina þar sem þörf krefur.
- Drykkjarstöðvar innan friðlandsins að Fjallabaki skulu vera staðsettar á malarplönnum við skála þar sem engin hætta er á að viðkvæmur gróður skaðist.
- Aðstandendur viðburðarins tryggi að ekki verði skilinn eftir neinn úrgangur á víðavangi, hvorki á/við hlaupaleiðir né á drykkjastöð. Einnig að tryggt verði að merkingar sem notaðar verða við að merkja hlaupaleiðina verði fjarlægðar strax að viðburði loknum og skemmdir á gróðri, ef einhverjar verða, lagfærðar.
- Óheimilt er að aka utan vega og skulu starfsmenn sem koma að hlaupinu einungis aka eftir merktum vegum.
- Stuðla skal að því að þáttakendur komi á svæðið í skipulögðum rútuferðum á vegum viðburðarins til að minnka álag á innviði svæðisins.
- Þáttakendur taki tillit til annara gesta svæðisins hvort sem er við skála sem drykkjarstöðvar eru staðsettar á eða á þeim stígum sem viðburðurinn fer fram.
- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Virða skal umgengnisreglur sem gilda um svæðið.

- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.


**Leyfisgjald:**

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir og vegna starfsemi er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

**Eftirlit:**

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt



Sigrún Agústsdóttir  
sviðsstjóri



Hákon Ásgeirsson  
teymisstjóri